

續名醫類案



續名醫類案卷十四

錢塘魏之琇編集

膈

張子和治遂平李官人妻咽中如物塞食不下中滿他醫治之不效診其脈曰此痰膈也內經曰三陽結爲膈王啟玄又曰格陽云陽盛之極故食格拒而不入先以通經散越其一半後以舟車丸下之凡三次食已下又以瓜蒂散再越之健啖如昔日矣

王思中治鹽院某行部至常州病膈證不起諸太醫麀集皆技窮王至曰此是關而非膈可治也乃以半

夏麀一兩爲君製劑與服不半月動履如常

吳江縣志

章良玉老年得關格證醫藥不效殊無起色偶道人過門索食其子食之頃曰汝家何事奔皇乃爾語之故且延視之道人曰勿慮而翁今日可不死矣令人從我去其子卽偕至三山門外小茅菴中道人出囊中藥草一束悉以付之曰此通腸接骨草也四月發芽百日枯多生於觀音山早向陽晚受陰狀似益母梗方而凹綠葉如芸採得汁一盞便活一人此則去年所收乾者可將若干放砂礮內用一大盂水煎歸如法治以進父服三碗果神效及走謝已行矣此草尙有半又轉以活上河一徐姓者考本草無所謂通腸接骨草也

續金陵瑣事此條似屬可刪但世間實有治噎草藥用之如神今形狀悉具可以按形而索倘遇識者誠活人至寶也故存之至草藥多隨口起名必欲執



海昌王士雄孟英同校
定州楊照藜素園



中國醫藥大學圖書館藏

本草以求
之拘矣

一貧叟病噎膈。食入卽吐。胸中刺痛。或令取葦汁入鹽梅鹵汁少許。細呷得入。漸加。此條乃真噎。證治法亦佳。忽眩。稍

涎數升而愈。此亦仲景治胸痹用薤白。皆敗其辛溫。能散胃脘痰飲惡血之義也。本草綱目

薛立齋治一婦人。患膈證。胸膈痞悶。以此屬脾經血虛。遂用四君芎歸。調補脾氣。尋愈。又因怒兼兩脇痞

悶。頭目不清。月經旬餘未竭。用加味道遙散。加鈎藤治之。復瘥。

一婦人患膈病。胸膈作痛。面青目劉。小便頻數。或時寒熱。此肝氣滯而血凝。先用失笑散。二服痛止。又用
加味道遙散而愈。

陳三農治一老人。患膈氣。飲食不下。大便乾燥。六脈浮大而硬。用烏藥四分。小茴香一錢。研末肉湯調下
二錢。飲食卽進。三服後。用烏藥三分。陳皮蘇梗杏仁各五分。芡仁錢半。煎服而愈。

一中年婦。患梅核氣。用二陳加芎歸。梔連枳實烏藥瓜蒌。旋覆花香附桔梗。十數劑而愈。

山氏患咽喉噎塞。如梅核。時時噎氣。足冷如冰。用散結化痰湯。十數劑罔效。細思之。此陰火也。三陰至頂
而還。陰虛火炎。故噎氣咽塞足冷耳。用滋陰清膈飲。數劑諸證悉愈。

一士膈噎嘔吐。或與清火。或與疏通。或與化痰散鬱之藥。半載愈甚。陳曰。氣口無力。兩尺遲緩。脾腎交虛
之候也。脾虛則升降失職。而痰起中焦。腎虛則真火衰微。食難運化。與白朮五錢。炒焦色。半夏二錢。炮



薑二錢沈香一錢二劑而愈

孫文垣治張溪亭乃眷喉中梗梗有肉如炙嚙吞之不下吐之不出鼻塞頭暈耳常啾啾不安汗出如雨

心驚膽怯不敢出門稍見風則遍身疼火盛而鬱者多畏風畏寒小腹時痛小水淋瀝而疼皆鬱火爲患脈兩尺皆短兩

關滑大右關尤搏指孫曰此梅核證也以半夏四錢厚朴一錢蘇葉一錢茯苓一錢三分薑三片水煎

食後服每用此湯調理多效按梅核證乃鬱怒憂思七情大傷乃成此病案中所敘無非木燥火炎

之候乃以燥尅之劑成功合前陳三農案大同小異或當時病人質厚故耳香燥之劑暫能開氣故即愈但久則必復特案中不

肯敘及耳非緣病人質厚也

臧少庚年五十每飲食胸膈不順利覺喉中哽哽宛轉難下大便燥結內熱肌肉漸瘦醫與五香連翹湯

五膈丁香散不效孫脈之其色蒼黑兩目炯炯不眊治可惟氣促骨立其脈左弦大右滑大曰據脈乃謀

而不決氣鬱成火脾志不舒致成痰涎因而血少便燥內熱肌消張雞峯有言膈乃神思間病卽是推

之當減思慮斷色慾薄滋味絕妄想俾神思清淨然後服藥有功以桂府滑石六兩甘草一兩真北白

芥子蘿蔔子射干連翹各一兩半辰砂五錢以竹茹四兩煎湯打饅頭糊爲丸棗豆大每食後及夜用

燈心湯送下一錢半日三服終劑而愈

易思蘭治一人患膈滿其證胸膈胃脘飽悶臍下空虛如飢不可忍腰腿痠痛坐立戰搖大便燥結每日

雖進清粥一二鍾。食下嘔酸吐水。醋心。衆作膈治。二年不效。診得左右寸關俱沈。大有力。兩尺自浮。至沈。三候俱緊。按之無力。有搖擺之狀。此氣膈病也。須開導其上。滋補其下。兼而行之可也。遂以暢胃舒中。湯投之。製之香附。蒼朮。貝母。各八分。蘇梗。連翹。各五分。撫芎。六分。神麴。沙參。各一錢。桔梗。四分。南木。香。半分。大劑煎。徐徐呷之。每日空心服八味丸百粒。服二日。噯氣連聲。後亦出濁氣。五日可以坐立。脫飯二碗。服至二七。動履如常。

喻嘉言治倪慶病膈氣。十四日粒米不入口。始吐清水。次吐綠水。次吐黑水。次吐臭水。呼吸將絕。醫已歇手。喻適診之。許以可救。渠家不信。喻曰。儘今日晝夜。先服理中湯六劑。不令其絕。來早轉方。一劑全安。渠家曰。今已滴水不食。安能服藥六劑。曰。但得此等甘溫入口。必喜而再服也。渠諸子或庠或弁。頗識理折。僉曰。既有妙方。何不卽投。必先與理中。此何意也。曰。金匱云。病人噯氣不除者。旋覆代赭石湯主之。吾於此病。分別用之者有二道。一者以黑水爲胃底之水。臭水爲腸中之水。此水且去。則胃中之津液久已不存。不敢用半夏以燥其胃也。一者以將絕之氣。止存一絲。以代赭墜之。恐其立斷。先用理中。然後代赭。得以建奇奏績。一時之深心。卽同千古之已試也。及簡仲景方。見方中只用炮薑。而不用乾薑。又謂乾薑比半夏更燥。而不敢用。曰。今所噯者。下焦之氣也。所嘔者。腸中之水也。陽乘陽位。加以日久不食。諸多虬蟲。必上居膈間。非乾薑之辣。則虬不下轉。而上氣亦不必下轉。妙處正在此。君曷可泥。

哉服之果再索藥。三劑後能言。云內氣稍接。但恐太急。俟大明再服。後日轉方爲安。次早旁議交沮。後三劑不肯服矣。乃持前藥一盞。勉令服之。曰立地轉方。頃刻見效何如。乃用旋覆花一味煎湯調代。藉石末二匙與之。纔入口。病者曰好藥。吾氣已轉入丹田矣。二劑胸腹頓爽。已有起色。因觸冷氣復嘔。與前藥立止。思粥令食半盞。飢甚竟食二盞。少頃已食六盞。復嘔。與前藥立止。又因動怒。以物擊婢。復嘔。與前藥立止。以後不復嘔。但精神困倦之極。服補藥二十劑。丸藥一斤。將息二月。始能出門。方悔從前少服理中二劑耳。

李士材治張邑宰婦。憂悶之餘。得食輒噎。胸中隱隱作痛。診之脈緊且滑。曰痰在上脘。用二陳加薑汁竹瀝。或曰半夏不燥乎。曰濕痰中滿。非此不治。遂用四劑。病尙不減。改大半夏湯。服四帖。胸痛乃止。又四帖而噎亦減。服二十劑而安。若泥半夏爲燥。而以他藥代之。豈能愈乎。惟痰不盛。形不肥者。不宜與服也。凡用半夏者宜審之

方春和年近五旬。多慾善怒。患噎。三月日進粉飲一鍾。腐漿半鍾。且吐其半。六脈細軟。此虛寒之候也。用理中湯加人乳薑汁白蜜半夏。一劑便減。十劑而進糜粥。更以十全大補加竹瀝薑汁。四十帖。諸證皆愈。

一人膈噎不通。渣質之物不能下咽。惟以人乳醇酒數杯。吐沫不已。李曰。口吐白沫。法在不治。脈猶未敗。

姑冀萬一用人參黃耆當歸白朮陳皮桃仁牛乳白蜜薑汁連進十劑白沫漸少倍用參朮三月全安一人二十三歲以鼓盆之戚悲哀過度不能食飯又十餘日粥亦不能食隨食隨吐二便閉塞自謂必死診之脈按有力非死證也以酒蒸大黃加桃仁當歸砂仁陳皮蜜丸與服凡五服下燥矢乾血甚多病若失矣數日之間能食倍常

張孟端夫人憂憤交乘食下輒噎胸中隱隱痛陽脈滑而陰脈搏痰血互凝之象以二陳湯加歸尾桃仁鬱金五靈脂四劑未效因思人參與五靈脂同用善於溶血卽以前劑入人參三錢倍用五靈脂再劑血從大便而出十劑噎止彌月而愈

人參與五靈脂並用非明於奇變者不可

金元之之內患噎膈胸腹奇痛經阻醫認瘀血察其脈細爲氣衰沈爲寒痛況自下及上處處皆痛明非血矣用參耆白朮香薷桂煎成和醇酒進之甫入口便快服理中湯半月而瘥

以上二案醫通抄入

張路玉治朱彥真酒膈嘔逆不食每月惟痛飲熱酒一二觥少頃卽作酸嘔出膈間大痛雜治經年不效

良由平昔好飲熱酒所致卽丹溪所謂好飲熱酒死血留胃口之候授以人參散方用人參一兩煎成

加麝香半分

雄案麝兼能敗酒

冰片三釐三劑便能進食蓋片麝善散胃口之痰與瘀血耳十劑後改服柏子

仁湯半月而安二方出自雲岐人多未知每以予爲尙異何可爲之辨耶

沈錫蕃平昔大便秘結近患噎膈不能安穀者月餘雖素稟豐腴近來面色皎白大非往昔時方穀雨正

此證危殆之際。診得六脈沉澀。按久則衰。幸舉指則應。爲疏六君子湯。下一味狗寶作散調服。甫十劑。嘔止食進。再十劑。穀肉漸安。更十劑。起居如故。惟大便尙艱。以六味丸去澤瀉。加芎歸。首烏作湯。月餘。便溺自如。秋深更服八味丸而安。大抵噎膈之人。體肥痰逆者。可治。枯脊津衰者。不可治。向道王公。患此稟氣病。氣與沈氏相類。誤信方士。專力委之。致不起。顧人月亦患此。自謂脹急。不當用參。月服仙人對坐草而斃。瘦人亦間有可療者。秦伯源患此。形神枯槁。神志抑鬱。且湯藥無資。予門人鄒恆友。令其用琢木鳥入麝熬膏。時嗅其氣以通結。內服逍遙散。加香砂以散鬱。不數劑。頓瘳。後陳君亦用此法而愈。又一農人噎膈不食。時嘔清涎。如赤豆沙水。此屬血瘀可知。誤用消剋。破氣藥。致絕粒不食。用桂苓飲。加當歸。桃仁。丹皮。牛膝。用熬枯黑糖和蟲漿調服。下澹黑如污泥者甚多。俞東扶曰。石頑治病。喜用古方。而雜以新藥。能生後學智慧。如此數條。雖皆昔賢成法。無甚精義。亦足以廣識見。然金匱祇有反胃湯藥。不載噎膈情形。豈真正膈證。雖醫中之聖。亦無法以治之耶。

張路玉曰。王御九仲君。因驚恐受病。時方晚膳。卽兀兀欲吐。而不得出。遂絕粒不食。而起居自如。向後醇酒膏粱。略無阻礙。惟穀氣毫不可犯。犯之輒吐。醫不知爲何病。補瀉雜陳。牛黃狗寶。虎肚貓胞。總無一驗。數月來。濕麵亦得相安。延及八月。偶遇一人。謂言此病非藥可除。合用生鵝血。乘熱飲之一服。便安。此雖未見方書。生鵝血能化堅癖。見江案心脾病門。揆之於理。諒無妨礙。一陽之夜。遂宰一鵝。取血熱飲。下咽汨汨有聲。

忍之再三少頃嘔出瘀血升許中有血塊數枚是夜小試稀糜竟不吐其後漸能用飯從少至多不藉

湯藥而安。

此即血
膈證

馬元儀治王客六旬外患門格。上不得食。下不得使。口燥胸滿已一月。診其兩脈俱虛而澀。此因脾胃之氣鬱而不宣。鬱久成火。消鑠津液。升降失常。上下不交。而成否塞。治法宜宣通肺鬱。則清肅下行。而燥火可除。滋養胃源。則精液四布。而升降自如矣。用紫菀五分。薏仁五錢。枳殼桔梗杏仁。蘇子半。夏。麴。鬱金。二劑兩脈起。四劑胸滿釋。後去鬱金。加生首烏五錢。四劑大便通。脈和。惟進飲不納。穀。蓋肺金鬱結之氣乍舒。而胃土沖和之氣未復也。合服人參倉廩湯一月而食進。再服加味歸脾膏二月全愈。

朱丹溪治一人飲熱酒食物梗塞胸痛。蓋有死血而然。白朮貝母麥芽香附一兩。瓜薤仁杏仁丹皮生甘草乾葛山梔黃芩紅花萆澄茄。右或丸或散。任意服之。

黃濡富傾郡年逾艾。病胸膈不寬。俗醫或以降火而劑涼寒。病滋甚。又或以過傷而劑辛熱。病益深。而形神如故。

膈病皆如是

橋曰。脈兩寸益澀。餘皆弦數而躁。兩尺特甚。病由陰火炎上。感怒傷肝。此血膈也。法當

不治。黃不懌。乃謝橋。踰月卽嘔血如橋言。醫屬治無效。後吐敗血如腐肝。乃卒。

同上

蔣鑾年六十。體故厚。飲食起居如常。惟胸膈稍稍不寬。直自以爲痰火耳。久治無效。橋診之。曰。寸口脈澀。非痰火也。此爲血膈。頃之必有死氣出焉。勿謂無傷。法當不治。聞者大駭。然疑信半之。又曰。公病之來。

且速亟問良醫。如稍遲。將咎橋發之晚也。其後嘔紫血塊如指大者數十百枚。嘔後竟胸膈頗寬。橋曰。不然。此肝傷而不藏血。血隨氣逆行。宿血去而新血繼之。緩治則緩死。速攻則速死。後更數醫。月餘死。魏玉橫曰。陳二尹溶上家。吳門年近五旬。平日準頰微赤。體略肥。日喜火酒數盃。皆在都與余甚相得。近授廬陵丞。乘便過訪。因答候。見服膏子藥。問何恙。曰。近頗眩暈。由痰飲所致耳。請脈之。乃笑曰。君近亦能醫乎。曰。第略曉。診得兩寸搏指。左關弦尺弱。大部略數。此陰不足。陽有餘。證屬燥火。非痰飲也。語之。故但唯唯。索其方。則二陳白朮香附。遠志益智菖蒲。諸辛燥芳香之品。皆以藥非對證。久服恐生他變。亦唯唯。別去以五月抵任。至九月忽歸。寓湖上。則以病也。延往。告以纔到官。卽頭汗出。眩暈益甚。食漸減。每飯入停膈中難下。良久仍吐出。後只進粥。粥又不受。乃進麵。麵亦不受。兩月來唯日啖饅頭一枚。必自晨細嚙至暮。略急則嘔矣。大便十餘日始一行。堅黑如彈丸。更醫數人。服藥數十劑。用參亦數兩。欲檢方相示。曰。無庸。知所用必皆前膏子方中諸品耳。乃果然。此病由燥火。又誤服香燥之藥。劫其津液。致兩陽明枯槁。今已成關格。幸大便未如羊矢。則下焦之陰猶未告竭。急飲潤劑。猶可爲也。遂與生熟地天冬肉蓯蓉北沙參當歸牛膝等四劑。大便略潤。可飲粥一甌矣。又四帖粥漸加。乃用麻黃拌飯。進一甌無礙。再四帖大便調。飲食如舊。則以前方加減。令服百帖。及還蘇。只服其半。後三年病復作。急至杭求診。就前方加減。令服五十帖。遂至今無恙。

藜按此門所採俱非真噎證。徐靈胎曰。噎證之成。無術可療。故昔賢成案皆以反胃嘔吐等證當之。並無

治真噎食之案近日京師傳一方用未生毛小鼠陰陽瓦焙乾研末水酒沖服每投輒效可見昔人不治之證原有可治之方其方亦卽在耳目之前特患慮不及故遂莫能措手耳

余孝廉香圃母夫人年七十七。隔間不調已二年矣。春盡食愈減。至仲秋漸嘔不能食。或作脾胃虛寒。與

二陳二朮補骨脂吳茱萸薑桂諸辛香燥熱幾數十劑。遂至湯飲不下。勉進一盞。則嘔必倍之。所出皆黃涎。而挾腥氣。已絕意醫藥。勉召診。兩手俱無脈。足冷漸過膝。手亦過肘。舌白胎而地則紫。惟神氣頗清。起居尙能自主。斷爲老年三陰血少。相火上逆之證。四肢冷者。誤藥而熱盛作厥也。兩手無脈者。榮氣衰不能戴衛上朝寸口也。舌胎白而地紫者。肝火上乘。肺金不下降也。與生地杞子沙參麥冬煖仁牛膝米仁川棟。或問衆作寒治。而君謂火何以驗之。曰。第詢病人小便可也。旣而曰。點滴而已。又問昔人謂下有熱則爲關。上有寒則爲格。君但主熱得無偏乎。曰。若然。則前方薑桂何以不效。乃進藥遂不嘔。數劑後。忽掌心手背綻出青筋。纍纍。蓋肝主筋。木得養而驟舒也。入川連三分。四肢漸暖。小便漸長。青筋亦隱。再加熟地五七錢。十餘劑全愈。後指端生一瘡。問故。曰。其辛香燥熱之所釀乎。然得此無患矣。

吾宗德吾翁年七十五。多鬱而喜飲。夏間時嘔隨愈。初秋感寒復作。服辛燥少愈。季秋復感寒。遂大作。凡食卽嘔。日嘔涎沫數盆。湯飲不下者幾十日。前醫一以二陳薑桂轉服轉劇。計所嘔不下擔石矣。脈之洪大搏指。面額作赭石色。經曰。諸逆沖上。皆屬於火。又素性速。故食入卽嘔也。與重劑杞地沙參麥冬

米仁入川連三四分。一劑知。二劑減。問葶薤可食否。曰可。頓食斤許。又減。遂不服藥。半月後復作。輕令以前方重加熟地而痊。或問老人陽氣衰微。君常與黃連。得毋過乎。曰。老人陽虛。出自何說。乃默然。胡氏婦年五十來。常患脇痛有塊。時當心而痛。甚則嘔。其子醫以二陳加左金。鬱金香附。初稍愈。後不應。一老醫與丁香肉桂。延胡索小茴香之類。初亦應。再發再與。則嘔增劇。延診則已數日不食。將成膈矣。幸大便秘且澹。小便則短澀。口苦而燥。脈左關又弦小而數。兩寸鼓與生地杞子沙參麥冬酒連數劑而愈。

方天靈翁年近七十。患心脇痛。一老醫與二陳加人參薑附。經年累月。遂致食不入。滿口似糜。非糜。晝夜不眠。唯聞鼓吹謳歌之聲。則稍寐。延診。六脈已無。胃氣曰。此血膈也。始於肝火躁急。致多暴怒。血隨氣上逆於腕中會。陽剛之藥。劫其津液。令大絡枯澀。血遂凝而不下。胃中熱而有瘀。故不納食。故喜聞歌吹也。今真陰已竭。陽氣獨留。不可爲矣。勉索方。與熟地一兩。杞子五錢。沙參三錢。麥冬二錢。每飲一劑。則甜睡二三時。與聞吹唱同。於膈病則無與也。其後嘔出死血數甌而歿。

許君廣川年四十六。性樂洪飲。膏粱炙燂。左脇痛痞。時侵胃絡。肝腎已傷。宜滋水木。南京醫者。其識頗俗。二陳五香。六君六鬱。香砂左金。逍遙越鞠。出入加減。惟此數方。治之半載。不見其長。予與令坦相得。始彰語以是證。血膈須防。旣而秋仲。飲食漸妨。因念余說。厥理孔長。相延診視。與樂勿嘗。歲忽云暮。嘔血

如瓢。再延診之。養陰之劑。愈以爲謬。及春詣蘇。求治於繆。繆與之方。芝蔴黑荳。絳繒桑葉。希延其壽。豈知膏肓。其續莫奏。關格遂成。湯飲不受。長此告終。芒種時候。雄按此傲溷門施沛然治許贊勿例竟是一篇祭文

按趙學敏本草綱目拾遺云。石打穿。一名龍芽草。生山上。立夏時發苗。布地。葉有微毛。起莖高二三尺。寒

露時開花成穗。色黃而細小。根有白芽。尖圓似龍牙。莖有白毛。頂開黃花。故名金頂龍牙。一名鐵胡蜂。

以其老根黑色形似之也。又一種紫頂龍芽。莖有白毛。葉有微毛。寒露時抽莖。開紫花成穗。俱二月發

苗。葉倒生貼地。九月枯。七月採。趙學敏曰。予親植此草於家園。見小暑後抽條。屆大暑即著花吐蕊。抽

條成穗。儼如馬鞭草之穗。其花黃而攢簇條上。始悟馬鞭草花紫。故有紫頂龍牙之名。此則黃黃。故名

金頂龍牙。與地蜈蚣絕不相類。因此草亦有地蜈蚣之名。故有草鏡。疑爲石見穿也。李氏草秘云。石見

穿生竹林等處。葉少如艾。而花高尺許。治打傷撲損。膈氣。則石見穿之葉如艾。又與石打穿深紋鋸齒

之葉不侔矣。世又名曰鐵筴。山間多有之。綠莖而方。上有紫線紋。葉似紫頂龍牙。微有白毛。七月開

小黃花。結實似筴形。能刺人手。故又名千攸針。附方云。石打穿草。按月取草頭一個。如三月三個。四

月四個。以月分爲多寡之數。搗汁。同人乳羊乳和勻服。神效。膈證。出蔣雲山傳方。又蔣儀藥鏡拾遺云。

噎膈翻胃。從來醫者病者。咸以爲不治之證。余得此劑。十投九效。乃作歌以誌之。歌曰。誰人識得石打

穿。綠深紋。鋸齒邊。闊不盈寸長更倍。圓莖枝抱起相連。秋發黃花細瓣五。結實扁小針刺攢。宿根生本

二尺許子發春苗隨弟肩大葉中間夾小葉層層對比相新鮮味苦辛平入腸肺穿腸穿胃能攻堅採
掘莖葉搗汁用蔗漿白酒使佐全噎膈飲之痰立化津液平復功最先世眼愚蒙知者少岐黃不識名
浪傳丹砂勾漏葛仙事余愛養生著數言按趙氏所引數說觀之石筍等之綠莖而方與此道人所說
方梗綠葉相似但道人所指不言開何色花亦不言莖有紫線紋而趙氏所引但言方莖而不言有凹
與狀似益母其是一是二難以懸擬然此間的有此等治膈之草則確無可疑存之以俟識者
膈膈同爲極大之病然膈可治而膈不可治蓋膈者有物積中其證屬實膈者不能納物其證屬虛實者
可治虛者不可治此其常也膈之爲病因腸胃衰弱不能運化或痰或血或氣或食凝結於中以致膈
亨脹滿治之當先下其積聚然後補養其中氣則腸胃漸能化矣內經有雞矢醴方卽治法也後世
治膈之方亦多見效惟臟氣已絕臂細臍凸手心及背平滿青筋繞腹種種齊見齊見則不治若膈證
乃肝火犯胃木來侮土謂之賊邪胃脘枯槁不復用事惟留一線細竅又爲痰涎瘀血閉塞飲食不能
下達卽勉強納食仍復吐出蓋人生在飲食經云穀入於胃以傳於肺五臟六腑皆以受氣今食既不
入則五臟六腑皆竭矣所以得此證者能少納穀則不出一年而死全不納穀則不出半年而死凡春
得病者死於秋秋得病者死於春蓋金木相尅之時也又有卒然嘔吐或嘔吐而時止時發又或年當
少壯是名反胃非膈也此亦可治至於類膈之證如浮腫水腫之類或宜針灸或宜洩瀉病象各殊治

亦萬變。醫者亦宜廣求諸法。而隨意施用也。

諸氣

鄧安人年五十。忽然氣痛。投神保丸。愈。不一二日再疼。再服神保丸六七十粒。大便不通。其痰轉甚。亦有用沉香木香薑桂等藥。而未敢投。痛甚則築心築背。築走兩脇。似有兩架十字插定心。脇叫聲徹天。召良甫診之。六脈沉伏。乍來乍去。衆問診脈。吉凶何如。答曰。凡九痛之脈。不可準也。但以辨證用藥。觀其人質肥偉。問其便。數日不通。曰。實痛也。其腹必脹。但以人按之痛甚。手不可近。此大實也。經曰。大滿大實者可下之。用替針丸五六百粒。是夜即愈。

醫說續編

羅謙甫治趙運使夫人。年五十八歲。於至元甲戌三月中。病臍腹冷疼。相引脇下。痛不可忍。反復悶亂。不得安臥。以當歸四逆湯主之。灸中庭穴。同上

朱丹溪治一婦。氣自小腹丹田沖上。遂吐清水。火氣上逆。由丹田虛寒故也。用白朮二兩。白豆蔻五錢。爲末。早飯後。以白湯送下。白朮補脾。豆蔻溫肺。此藥服之。則金水相生。其病自愈。若在男子。純陰無陽。則爲不治之證矣。既是丹田虛寒。何以純用脾藥。所云金水相生之義。亦未的。二藥不過補脾扶氣而已。陳三農治一人。怒氣感寒。小腹有塊。氣逆上行。喘息不安。衆用散氣降氣藥。益甚。曰。此因汗下過多。傷其胃氣。胃氣虛爲衝脈所逆。并脇下少陽脈二道。而反行病多厥逆。以調中益氣湯加炒黃柏炒青皮。一

劑而愈

一老人大怒。氣自臍下上攻。兩脇作痛。喘息不臥。此動少陽之火也。兩脇肝膽部分。怒氣傷肝。而動龍雷之火。故逆上作痛耳。用伏龍肝煎湯。下左金丸。愈。補脾瀉肝。兼寓降逆。製方何其簡妙。

一貴人患氣從小腹上攻。胸脇頭項。遍身急脹而痛。諸治罔效。曰。此督脈爲病也。經曰。督脈爲病。令人逆氣而裏急。以四物加炒黑黃柏醋炒青皮。一劑而愈。

朱丹溪治鄭仲游。年二十三。膈有一點相引痛。吸氣皮覺急。滑石枳殼炒各一兩。桃仁黃連炒各半兩。炙甘草二錢。爲末。每服一錢半。以蘿蔔自然汁研煎熟飲之。一日三五次。作汚血治

鄭仲本年二十七。因喫熱補藥。又妄自學吐納。以致氣亂血熱。嗽血消瘦。遂與行倒倉法。今嗽血消瘦已除。因喫炒豆米。膈間有一點氣梗痛。似有一條絲垂映在腰。小腹亦痛。大率偏在左邊。此肝部有惡血行未盡也。滑石枳殼一兩。柴胡黃連五分。桃仁二兩。黃丹三錢。生甘草二錢。紅花一錢。服法同前。

繆仲淳治高存之。壅滯生。氣上逆。每飯下一二口。輒噯氣數十口。再飯再噯。食頃三四作。曰。此氣不歸元。中焦不運也。每劑須人參二錢。不信。服快氣藥。愈甚。逾二三月。曰。今須參四錢矣。不信。又逾二三月。曰。今須六錢矣。不信。又逾月。飲食不下。每嘔冷氣如團而出。上下氣不屬。分必死。存之坐其家。迫令服繆藥。首服不動。再煎不動。然亦不如他湯藥。輒嘔也。服三劑。忽心口下如爆一聲。上則噯氣。下則小遺。無



算上下洞然。卽索粥頓食三四碗。不上逆矣。服五六劑。減參二錢。噯逆復作。仍用六錢而安。一月後。方減參二錢。服半年全愈。人參六錢。麥冬三錢。五味二錢。橘紅一錢。砂仁一錢。白芍二錢。沉香五分。益智仁一錢五分。山萸肉三錢。蘇子二錢。枇杷葉三大片。水煎。臨服加沉香汁十五匙。逆水蘆根汁一大盞。又十倍爲末。山藥糊爲丸。空心白湯吞。廣筆記

梁溪一女人。喉間如一物。上下作梗。前後板痛。服伸瀉方二十劑。愈。降香通草。蘇子。橘紅。枇杷葉。人參。炙草。石菖蒲。麥冬。甘菊。白芍。遠志。白蔻仁。木瓜。石斛。加蘆根汁一鍾。同煎八分。入薑汁二匙。同上

哮喘

丹溪治一人哮喘。十日一發。此病在上焦。不得汗洩。正當十月。遂以麻黃黃芩各二錢。入薑汁煎服。臨臥進小胃丹三十粒而安。丹溪小胃丹。芫花醋炒。甘遂大黃大戟黃柏內爲末。白朮膏丸。

聖濟治一人。飲醋噎喉。哮喘不止。用粉甘草二兩去皮。破開以豬膽六七枚取汁。浸三日。炙乾爲末。蜜丸。清茶下。三四十丸漸愈。

王宇泰治一人鹽哮喘。用白麵二錢。沙糖搜和。以糖餅灰汁捏作餅子。放在爐內燻乾。剗出切作四塊。以輕粉四錢另炒。糝在餅內食之。吐痰而愈。以上俱大還

龔子才治一人哮喘十數年。發則上氣喘促。咳嗽吐痰自汗。四肢厥冷。六脈沉細。此氣虛脾弱。與六君子